




Broj: 02-03-453-2/20
Sarajevo, 07.04.2020. godine

1212

KANTON SARAJEVO

Skupština Kantona Sarajevo
n/p predsjedavajućeg Skupštine, Dr. Mirza Čelik



Ul.Reisa Dž. Čauševića broj 1
Sarajevo

PREDMET: Dostava obavijesti na pokrenutu zastupničku inicijativu Nejre Dizdarević, zastupnice u Skupštini Kantona Sarajevo
Veza Vaš akt, broj: 01-04-7569-30/20 od 13.03.2020. godine

Na 22. Radnoj sjednici Skupštine Kantona Sarajevo, održanoj dana 11.03.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo, zastupnica Nejra Dizdarević pokrenula je zastupničku inicijativu koja glasi:

1. „Molim Kantonalni stambeni fond Sarajevo da provede sve obaveze iz Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo shodno članu 7. („Službene novine Kantona Sarajevo“, broj: 21/19), a naročito pitanja i odgovore, te inicijative zastupnika Skupštine Kantona Sarajevo.
2. Molim Ministarstvo prostornog uređenja, građenja i zaštite okoliša Kantona Sarajevo da shodno članu 11. iste Uredbe provede nadzor nad primjenom ove uredbe od strane Kantonalnog stambenog fonda Sarajevo.“

Postupjući po pokrenutoj inicijetivi, Kantonalni stambeni fond Sarajevo u smislu odredaba Poslovnika Skupštine Kantona Sarajevo („Službene novine Kantona sarajevo“, br: 41/12- Drugi novi prečišćeni tekst, 15/13, 47/13, 47/15 i 48/16), daje sljedeći

ODGOVOR/OBAVIJEST

Tokom 2019. godine vođene su višemjesečne aktivnosti u vezi transformacije Kantonalnog stambenog fonda Sarajevo i Fonda Kantona Sarajevo za izgradnju stanova za porodice šehida, poginulih boraca, ratne vojne invalide, demobilisane borce i prognane osobe u smislu njihove transformacije u javne ustanove, a zatim spajanje istih u jednu jedinstvenu Javnu ustanovu, što je predstavljalo jednu od usvojenih 300 mjera prethodne Vlade Kantona Sarajevo.

To je bio jedan od najvažnijih razloga zašto ovo pravno lice nije pristupilo objavljivanju svojih postojećih propisa i općih akata u „Službenim novinama Kantona Sarajevo“ u skladu sa





odredbama kantonalnog Zakona o objavljivanju propisa i drugih općih akata u „Službenim novinama Kantona Sarajevo“, br: 18/11- Prečišćeni tekst, 36/15 i 11/19) i kantonalne Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj: 21/19), već su isti bili javno dostupni isključivo putem službene web stranice Kantonalnog stambenog fonda Sarajevo, kao što je bila dosadašnja praksa.

Transformacija postojeća dva fonda je bila vrlo izgledna, nakon čega bi se u skladu sa time izvršile i promjene postojećih propisa i općih akata (Statuta, pravilnika, odluka i sl.), te bi se istovremeno donešeni novi propisi i opći akti neizostavno objavili i u „Službenim novinama Kantona Sarajevo“ u skladu sa Zakonom i Uredbom.

Imajući u vidu činjenicu da se ova kantonalna institucija shodno Odluci o osnivanju Kantonalnog stambenog fonda Sarajevo („Službene novine Kantona Sarajevo“, br: 30/01- Prečišćeni tekst, 10/05 i 27/06), kao Osnivačkim aktom, djelimično finansira i iz Budžeta Kantona Sarajevo i to za registrovane djelatnosti koje se realizuju po projektima Vlade i Skupštine Kantona Sarajevo (član 4. Osnivačkog akta) do kojih nije došlo u toku 2019. godine, a vlastito ostvarni prihod je bio izuzetno nizak u odnosu na planirani, sredstva iz usvojenog Finansijskog plana Kantonalnog stambenog fonda Sarajevo za 2019. godinu objektivno nisu bila dostatna da bi se izvršile objave svih njegovih postojećih propisa i općih akata i u „Službenim novinama Kantona Sarajevo“.

U prilog prednjem veoma je bitno navesti i činjenicu da postojeći Cjenovnik usluga „Službenih novina“, Tarifa VII (Cijena objavljenih oglasa u službenom dijelu glasila: opći akti, statuti, koncesije, ugovori i dr) vrlo je nepovoljna za primjenu u odnosu na ovo pravno lice jer isto objektivno u trenutnim okolnostima nije u mogućnosti obezbijediti potrebna sredstva za objavu svih svojih postojećih propisa i općih akata (sadržaj Cjenovnika dostupan na web stranici „Službenog glasnika BiH“).

Kako se od transformacije ovog pravnog lica u Javnu ustanovu najvjerovatnije odustalo, Kantonalni stambeni fond Sarajevo će u toku 2020. godine neizostvano izvršiti svoju zakonsku obavezu, te pristupiti objavljivanju svih svojih važećih propisa i općih akata uz prethodno izvršene izmjene i dopune postojećeg Finansijskog plana za 2020. godinu u dijelu ekonomske stavke koja se odnosu na sredstva za objavu akata u službenim glasilima, što u svakom slučaju uključuje i „finansijsku pomoć“ Kantona Sarajevo kao Osnivača ove posebne kantonalne institucije, te pomoć i resornog Ministarstva.

Kada je riječ o objavljivanju akata u skladu sa članom 7. Uredbe, ovo pravno lice je u proteklom periodu postupalo po dosadašnjoj praksi, te je na vlastitoj web stranici objavljivalo Finansijske planove, Izvještaje o radu i određene odluke.

Po pitanju mišljenja iz istog člana Uredbe, ističe se da je u toku 2019. godine, u skladu sa članom 15. Zakona o pravobranilaštvu Kantona Sarajevo, dobijen veći broj stručnih pravnih mišljenja na nacрте kupoprodajnih ugovora.

Kako se radi se o mišljenjima kao pojedinačnim aktima za svaki konkretan slučaj koji razmatra Pravobranilaštvo Kantona Sarajevo i koje nakon toga u sklopu predloženih odluka o davanju saglasnosti na svaki pojedinačni nacrt kupoprodajnog ugovora razmatra Vlada i Skupština Kantona Sarajevo, te u kojem postupku se vrši i objavljivanje tih pojedinačnih odluka u





„Službenim novinama Kantona Sarajevo“ čiji sastavni dio su i mišljenja Pravobranilaštva Kantona Sarajevo, ovo pravno lice iz tih razloga nije objavljivalo iste na vlastitoj web stranici nakon stupnja na snagu Uredbe (16.05.2019. godine).

Kantonalni stambeni fond Sarajevo će u periodu koji slijedi postupati upotpunosti u skladu sa članom 7. Uredbe po pitanju naprijed navedenih, ali i svih ostalih pobrojanih akata iz navedenog člana Uredbe, te blagovremeno pristupiti objavljivanju istih na svojoj službenoj web stranici.

Prilog – CD-x1

Dostaviti:

1. Naslovu,
2. Ministarstvo prostornog uređenja, građenja i zaštite okoliša Kantona Sarajevo (na znanje),
3. U evidenciju,
4. U spis.

